


唐十二家詩集 沈佺期

伍



			三八	漢書門
一	九	八	八	
〇	三	八	〇	
冊	架	函	號	類

三	三	漢
九	八	書
〇	〇	門
冊	架	類

內閣文庫	
番號	漢 3808
冊數	10 (5)
函號	319 141



書齋
館印

日
時
同
書

沈
佺
期
集
目
錄

賦
類
峽
山
寺
賦

霹
靂
引

五
言
古
詩

有
所
思

黃
鶴

古
別
離

自
昌
樂
郡
泝
流
至
白
石
嶺
下
行
入
柳
州

蝴
蝶
賦

淺
草
文
庫

臨
高
臺

鳳
笙
曲

同
李
適
訪
司
馬
孺
微

沈
佺
期
集
目
錄

過蜀龍門

和杜麟臺元志春情

入衛作

餞遠

枉繫二首

別侍御嚴凝

送喬隨州倨

被彈

傷王學士

夜泊越州逢北使

紹隆寺

初達驩州

神龍初廢逐南荒途出榔口北望蘇耽山

上幸長安扈從出西嶽作

七言古詩

入少密溪

鳳簫曲

古歌

七夕曝衣篇

五言律詩

長門怨

巫山高

被試出塞

幸白鹿觀應制

九日侍宴應制

樂城白鶴寺

遊少林寺

嶽館

早發平昌島

夜宿七盤嶺

驩州風土不作寒食

三日禁園侍宴

仙萼亭侍宴應制

隴頭水

關山月

折楊柳

紫騮馬

上之回

和常州崔使君寒食夜

奉和洛陽翫雪應制

歲夜安樂公主滿月侍宴

幸梨園亭觀打球應制

送公主適西蕃應制

洛陽道

駉馬

答甯慶州書

初達驩州

十三四時嘗從巫峽過他日偶然有思

崔夫人盧氏挽歌

章懷太子靖妃挽詞

和康廷芝望月有懷

和崔正諫秋日早朝

則天開赦改年

覽鏡

雜詩 四首

咸陽覽古

和楊再思春夜宿直

少游荆湘因有是題

送陸侍御北使

餞高唐州詢

送洛州蕭司兵謁兄還赴洛成禮

餞唐郎中洛陽令

安樂公主移入新宅

李舍人山亭送龐邵

同獄者歎獄中無燕

驩州南亭夜望

題椰子樹

喜赦

七言律詩

古意獨不見

龍池篇

興慶池侍宴應制

侍宴安樂公主新宅應制

春初幸太平公主南莊應制

春日幸望春宮應制

立春游苑迎春

從幸香山寺應制

紅樓苑應制

方紀事應制

嵩山石淙侍宴應制

外審言過嶺

上巳連寒食有懷京洛

人日重宴大明宮賜綵縷人勝應制

五言排律

酬蘇味道夏晚寓直省中見贈

同常舍人早朝

白蓮亭侍宴應制

晦日幸昆明池應制

仙萼池侍宴應制

奉和聖制幸寶希玠宅

夏日都門送員外司馬逸客孫佺共北征

常嗣立山莊侍宴應制 昆明池侍宴應制

登瀛洲南樓寄遠 塞北 二首

自考功員外授給事中 從幸漢故青門應制

渡安海入龍編 從崇山向越裳

哭蘇眉州崔司業二公 哭道士劉無得

和元舍人臨池翫月戲為新體

酬楊給事中見贈 扈從出長安應制

送盧管記先客北伐 釣竿篇

和岑尚書叅迹樞揆

同李舍人冬日集安樂公主山池

送友人任括州 夏日梁王席送張岐州

李員外秦援宅觀妓 移禁司刑

入鬼門關 九真山淨居寺

從驩州解移住山間水亭贈蘇使君

赦到不得歸題江上石 答魑魅代書寄家人

送韋商州弼

五言絕句

寒食

七言絕句

上巳日被禊渭濱

奉和幸常嗣立山莊應制

邙山

夜宴安樂公主宅

饒康郎中洛陽令

獄中聞駕幸長安

幸國叔素對字雖效

對禁同

並文入卦詩賦

夏正樂王漸進歌如賦

同李舍人冬日書其樂公主山出

沈佺期集

江陳孫仲逸野望校

賦

峽山寺賦

并序

峽山寺者名隸端州連山夾江頗有奇石飛泉迴落
悉從梅竹下過渡口至山頂石道數層齋房浴室眇
在雲漢神龍二年夏六月余投棄南裔承恩北歸結
纜山隅周謁精舍為之賦焉
峽山精舍端溪妙境中有紅泉分飛碧嶺若乃忍殿

臨岸禪堂枕江桂葉薰戶蓮花照窓銀函獅子之座
金刹鳳凰之柱野鹿矯而屢馴山鷄愛而頻舞千層
古龕百仞明潭幡燈夕透杖鉢朝涵炎光失於攢樹
涼風生於高竹仙人共天樂俱行花雨與香雲相逐
法侶徘徊齋房宴開心猿久去怖鴿時來走何為者
竄身炎野旋旆京師維舟山下稽首醫王誓心無常
向何業而辭國今何緣而赴鄉豈往過而追受將來
愆而預殃即撫躬以內究幸無慝以自傷心悞辱而
知忍迹繫窮而辨方嘉爾來之放逐謂吾生之津梁

蝴蝶賦

羞蝴蝶之可憐兮粉花育乎陽和二角六足蠕腹狀
蛾脉紺縷以玄翅點赭珠以紺窠凌獵蘭滋噓吸蕙
葩飛將進而又退兮含百態以委蛇豈綿舞而不懈
兮奈衆芬其鑠何圖君子之翠屏儷綠族而星羅蒙
左右之深賞况夢寐之所嘉

霹靂引

歲七月火伏而金生客有鼓琴於門者奏霹靂之高
聲始戛羽以騁素終扣宮而砰駘電耀耀兮龍躍雷

闐闐兮雨冥氣鳴吟以會雅態歛翕以橫生有如驅
千旗制五兵截荒虺斫長鯨孰與廣陵比意別鶴儔
精而已俾我雄子魄動毅夫髮立懷息不淺武義雙
輯視胡若芥剪羯如拾豈徒慨慷中筵備群娛之翕
習哉故此知也

五言古詩

有所思

君子事行役再空芳歲期美人曠延佇萬里浮雲思
園槿綻紅艷郊桑柔綠滋坐看長夏晚秋月照羅帷

臨高臺

高臺臨廣陌車馬紛相續回首思舊鄉雲山亂心曲
遠望河流緩周看原野綠向夕林鳥還憂來飛景促

黃鶴

黃鶴佐丹鳳不能群白鵬拂雲游四海弄影到三山
遙憶君軒上來下天池間明珠世不重知有報恩環

鳳笙曲

憶昔王子平鳳笙遊雲空揮手弄白日安能戀青宮
豈無嬋娟子結念羅幃中憐壽不貴色身世兩無窮

古別離

白水東悠悠中有西行舟舟行有返棹水去無還流
奈何生別者戚戚懷遠遊遠遊誰當惜所悲會難收
自君聞芳筵青陽四五道皓月掩蘭室光風虛蕙樓
相思無明晦長歎累春秋離居久遲暮高駕何淹留

同工部李侍郎逋訪司馬子微

紫微降天仙丹地投雲藻上言華頂事中間長生道
華頂居竅高大壑朝陽早長生術何妙童顏後天老
清晨朝鳳京靜夜思鴻寶憑崕飲蕙氣過澗摘靈草

人非塚已荒海變田應燥昔嘗游此郡三霜弄溟島
緒言霞上關機事塵外掃頃來迫世務清曠未云保
崎嶇待漏恩怵惕司言造軒皇重齋拜漢武愛祈禱
順風懷崆峒承露在豐鎬冷然委輕馭復得散幽抱
柱下留伯陽儲闈登四皓聞有叅同契何時一探討

自昌樂郡泝流至白石嶺下行入郴州

茲山界夷夏天險橫寥廓太史漏登探文命限開鑿
北流自南瀉群峯回衆壑馳波如電騰激石似雷落
崖留盤古樹澗蓄神農藥乳竇何淋漓苔蘚更綵錯

娟娟潭裡虹。渺渺灘邊鶴。歲杪應流火。天高雲霧薄。
金風吹綠梢。玉露洗紅籜。泝舟始興解。登踐桂陽郭。
匍匐緣修坂。穹窿曳長紵。礙林徒往來。過堰每前却。
救難不遑食。飯畢昏無託。濯谿寧足懼。磴道誰云惡。
我行湍險多。山水皆不若。安能獨見聞。書此遺京洛。

過蜀龍門

龍門非禹鑿。詭怪乃天功。西南出巴峽。不與衆山同。
長竇亘五里。宛轉復嵌空。伏湍啾潛石。瀑水生輪風。
流水無晝夜。噴薄龍門中。潭河勢不測。藻葩垂彩虹。

我行當季月。烟景共春融。江關勤亦甚。巘嶂意難窮。
誓將息機事。煉藥此山東。

和杜麟臺元志春情

嘉樹滿中園。氛氳羅秀色。不見仙山雲。倚琴空太息。
沉思若在夢。絨怨似無憶。青春坐南移。白日忽西匿。
蛾眉返清鏡。閨中不相識。

入衛作

淇上風日好。紛紛沿岸多。綠芳幸未歇。漉瀝此明波。
采繁憶幽吹。理棹想荆歌。鬱然懷君子。浩曠將如何。

錢遠

任子狗遐祿結友開舊襟撰酌輟行歎指途勤遠心
秋晶澄回窈霽色肅明林皎然清軒暮浩思非所任
枉繫二首

吾憐曾家子昔有投杼疑吾憐姬公思非無鷓鴣詩
臣子竭忠孝君親惑讒欺萋斐離骨肉含愁與此辭
其二

昔日公治長非罪遇縲紲聖人降兄子古來歎獨絕
我無豪髮瑕苦心懷冰雪今世多秀士誰欲繫明轍

別侍御嚴凝

十澤雲夢林三湘洞庭水自古傳剽俗有時逋惡子
令君出使車行邁方靡靡靜言交枳棘慎勿傷蘭芷
送喬隨州

結友三十載同遊一萬里情為契濶生心由別離死
拜恩前後人從宦差池起今爾歸漢東明珠報知己
被彈

知人昔不易舉非貴易失爾何按國章無罪見呵叱
平生守直道遂為衆所嫉少以文作吏手不曾開律

一旦法相持，荒忙意如漆。幼子雙囹圄，老夫一念室。
昆弟兩三人，相次俱囚桎。萬鑠當衆怒，千謗無片實。
庶以白黑讒，顯此涇渭質。勅吏何咆哮，晨夜聞撲扶。
事間拾虛證，理外存枉筆。懷痛不見申，抱冤竟難悉。
窮囚多垢膩，愁坐饒蟣虱。三日唯一飯，兩旬不再擲。
是時盛夏中，暎赫多瘵疾。瞪目眠欲閉，喑鳴氣不出。
有風自扶搖，鼓蕩無倫匹。安得吹浮雲，令我見白日。

傷王學士

并序

王君赦者，少小游洛陽。吾與君隴西李子至為友家。

貧倦道歲常晏，如屬文毫翰。吟諷所得時，會絕境長
安。初以器行制在蕃邸，侍諸人游四年。余遭浮議下
獄，他日余至來，知君物化。嗚呼！頽叔享年不遐，昔同
為人。今先鬼錄，恨吾非所闕爾。喪葬退而賦詩以哀
命。

閑囚斷外事，昧坐半餘暮。有言頽叔子，亡來已一時。
初聞宛不信，中話涕漣洏。痛哉玄夜重，何遽青春姿。
憶汝曾旅食，屢空纏澗湄。吾徒祿未厚，簞斗愧相貽。
原憲貧無愁，顏回樂自持。詔書擇才善，君為王子師。

寵儒名可尚論秩官猶欺化往不復見情來安可思
目絕毫翰灑耳無歌諷期靈樞寄何處精魄今何之
恨予在丹棘不得看素旗孀妻知己歎幼子路人悲
感游值商日絕絃留此詞

夜泊越州逢北使

天地降雷雨放逐還國都重以風潮事年月戒回艫
容顏荒外老心想域中愚憇泊在茲夜炎雲逐斗樞
颺颺縈海若霹靂耿天吳鼉拊群鳥失鯨吞衆流輸
偶逢金華使握手淚相濡饑共噬齊棗眠共席秦蒲

既壯思攸濟將南睿所圖往來固無咎何忽憚前楮

紹隆寺

并序

紹隆寺江嶺最竒去驩州城二十五里將北客畢日
游憇隨例施香回於舟中作

吾從釋迦久無上師涅槃探道三十載得道天南端
非勝適殊方起誼歸理難放棄乃良緣世慮不曾干
香界縈壯渚花龕隱南巒危昂階下石演漾牕中瀾
雲蓋看木秀天空見藤盤處俗勤宴坐居貧業行壇
試將有漏軀聊作無生觀了然究諸品彌覺靜者安

沈修其

神龍初廢逐南荒。途出柳口吐望蘇耽山。

少曾讀仙史。知有蘇耽君。流望來南國。依然會昔聞。
泊舟問耆老。遙指孤山雲。孤山柳郡共。不與衆山群。
重崖下縈映。嶮嶠上糾紛。碧峯泉附落。紅壁樹傍分。
選地今方爾。昇天因可云。不才予竄迹。羽化子遺芬。
將覽成麟鳳。旋驚御鬼文。此中迷出處。含思獨氛氲。
辛丑歲十月上幸長安時扈從出西嶽作
西鎮何穹崇。壯哉信靈造。諸嶺皆俊秀。中峯特美好。
傍見巨掌存。勢如石東倒。頗聞首陽去。開拆此河道。

磅礴壓洪源。魏峩壯清昊。雲泉紛亂瀑。天磴屹宏抱。
子先呼其巔。宮女世不老。下有府君廟。歷載傳洒掃。
星明應天游。十月成豐鎬。微末忝間從。兼得事蘋藻。
宿心愛此山。意欲拾靈草。陰壑已冰閉。雲竇絕探討。
芬月期來過。回策思方浩。

初達驩州

流子一十八。命予偏不偶。配遠天遂窮。到遲日最後。
水行儻耳國。陸行雕題藪。魂魄遊鬼門。骸骨遺鯨口。
夜則忍饑卧。朝則抱病走。搔首向南荒。拭淚看北斗。

沈修其

何年赦書來重飲洛陽酒

七言古詩

入少密溪

雲峯苔壁遶溪斜江路香風夾岸花樹密不言通鳥
道鷄鳴始覺有人家家更在深巖口澗水周流宅
前後遊魚瞥瞥雙釣童伐木丁丁一樵叟自言避喧
非避秦辟衣耕鑿帝堯人相留且待鷄黍熟夕卧深
山蘿月春

鳳簫曲

八月涼風動高閣千金麗人捲綃幕已憐池上歌芳
菲不念君恩坐搖落世上榮華如轉蓬朝隨阡陌暮
雲中飛燕侍寢昭陽殿班姬飲恨長信宮長信宮朝
陽殿春來歌舞妾自知秋至榮華君不見昔時羸女
厭世氛學吹鳳簫乘綵雲含情轉睐向蕭史千載紅
顏持贈君

古歌

落葉流風向玉臺夜寒秋思洞房開水晶簾外金波
下雲母牕前銀漢迴玉階陰陰苔蘚色君王履綦難

再得璇閨窈窕秋夜長。繡戶徘徊明月光。燕姬絲帳
芙蓉色。秦子金爐蘭麝香。北斗七星橫夜半。清歌一
曲斷君腸。

七夕曝衣篇

君不見昔日宜春太液邊。披香畫閣與天連。燈火灼
爍九衢映。香氣氤氳百和然。此夜星繁河正白。人傳
織女牽牛客。宮中擾擾曝衣樓。天上娥娥紅粉席。舒
羅散彩雲霧開。綴玉垂珠星漢迴。朝霞散綵羞衣架。
晚月分光劣鏡臺。上有僊人長命綵。中看寶媛迎歡

繡璫瑁筵中。別作春琅玕。窓裏翻成畫。淑房金屋寵
新流。意氣驕奢不自由。漢文宜惜露臺費。毋使須臾
前殿裘。

五言律詩

銅雀臺

昔年分鼎地。今日望陵臺。一旦雄圖盡。千秋遺令開。
綺羅君不見。歌舞妾空來。息共漳河水。東流無重回。

長門怨

月皎風泠泠。長門次掖庭。玉階聞墜葉。羅幌見飛螢。

清露凝珠綴流塵下翠屏妾心君未察愁嘆劇繁星

巫山高

巫山高不極合沓狀奇新暗谷疑風雨陰崖若鬼神
月明三峽曉潮滿九江春為問陽臺客應知入夢人
被試出塞

十年通大漠萬里出長平寒日生戈劍陰雲拂旆旌
饑烏啼舊壘疲馬戀空城辛苦皋蘭北胡塵損漢兵

幸白鹿觀應制

紫鳳真人劫班龍太上家天流芝蓋下山轉桂旗斜

聖藻垂寒露仙杯落晚霞唯應問王母桃作幾時花

九日侍宴應制得長字

御氣向金坊憑高薦羽觴魏文須菊蕊漢武賜萸囊
去鶴留笙吹歸鴻識舞行年年重九慶日月奉天長

樂城白鶴寺

碧海開龍藏青雲起鴈堂潮聲迎法鼓雨氣濕天香
樹接前山暗溪承瀑水涼無言誦居遠清淨得空王

遊少林寺

長歌游寶地徙倚對珠林鴈塔風霜古龍池歲月深

紺園澄夕霽碧殿下秋陰歸路煙霞晚山禪處處吟

嶽館

洞壑仙人館孤峯玉女臺空濛朝氣合窈窕夕陽開
流澗含輕雨虛簷應薄雷正逢鸞與鶴歌舞出天來

早發平昌島

解纜春風後鳴榔曉漲前陽鳥出海曙雲鴈下江烟
積氣衝長島浮光溢大川不能懷魏闕心賞獨泠然

夜宿七盤嶺

獨遊千里外高卧七盤西山月臨床近天河入戶低

芳春平仲綠清夜子規啼浮客空留聽

驩州風土不作寒食

嶺外無寒食春來不見飴洛中新甲子何日是清明

花柳爭朝簇軒車滿路迎帝鄉遙可念腸斷報親情

三日禁園侍宴

九重馳道出三已禊堂開畫鷁中川動青龍上苑來

野花飄御座河柳拂天杯日晚迎祥處笙鏞下帝臺

仙萼亭初成侍宴應制

山中氣色和宸賞第中過輦路披仙掌帷宮拂帝蘿

泉臨香澗落峯入翠雲多無異登玄圃東南望白河

隴頭水

隴山飛落葉隴鴈度寒天愁見三秋水分為兩地泉
西流入羗郡東下向秦川征客重回首肝腸空自憐

關山月

漢月生遼海曠隴出半暉合昏玄菟郡中夜白登圍
暈落關山迥光含霜霰微將軍聽曉角戰馬欲南歸

折楊柳

又云宋之問的末知是誰

玉窓朝日映羅帳春風吹拭淚攀楊柳長條踈地垂

白花飛歷亂黃鳥思參差妾自肝腸斷傍人那得知

紫騮馬

青玉紫騮鞍驕多影屢盤荷君能剪拂躡躑噴桑乾
踈足追奔易長鳴遇賞難縱金一萬里霜露不辭寒

上之回

制書下闕右天子問回中壇墀經過遠威儀何從雄
黃麾搖畫日青幟曳松風迴望甘泉道龍山隱漢宮

和常州崔使君寒食夜

聞道清明近春闌向夕闌行遊晝不厭風物夜宜看

斗柄更初轉，梅香暗裏殘。無勞秉華燭，晴月在南端。
歲夜安樂公主滿月侍宴

除夜子星迴，天孫滿月杯。詠歌麟趾合，簫管鳳雛來。
歲炬常燃桂，春盤預折梅。聖皇千萬壽，垂曉御明臺。
奉和洛陽翫雪應制

周王甲子旦，漢后德陽宮。灑瑞天庭裏，驚春御苑中。
氛氲生浩氣，颺沓舞回風。宸藻光盈尺，賡歌樂歲豐。
幸梨園亭觀打球應制

今春芳苑遊，接武上瓊樓。宛轉縈香騎，飄飄拂畫球。
俯身迎未落，迴轡逐傍流。祇為看花鳥，時時誤失籌。
送金城公主適西番應制

金榜扶丹掖，銀河屬紫闈。那堪將鳳女，還以嫁烏孫。
玉就歌中怨，珠辭掌上恩。西戎非我匹，明主至公存。
洛陽道

九門開洛邑，雙樹對河橋。白日青春道，軒裳半下朝。
乘羊稚子看，拾翠美人嬌。行樂歸恒晚，香塵撲地遙。
駘馬

西北五花駘，來時道向東。四蹄碧玉片，雙眼黃金瞳。

鞍上留明月，嘶間動朔風。借君馳沛艾，一戰取雲中。
答竇處州書

書報天中赦，人從海上聞。九泉開白日，六翮起青雲。
質幸息先貸，情孤枉未分。自憐涇渭別，誰與奏明君。
十三四時嘗從巫峽過，他日偶然有思。

小度巫山峽，荆南春欲分。使君灘上草，神女廟前雲。
樹悉江中見，猿多天外聞。別來如夢裡，一想一氛氲。

初達驩州

自昔聞銅柱，行來向一年。不知林邑地，猶隔道明天。

雨露何時及，京華若箇邊。思君無限淚，堪作日南泉。

天官崔侍郎夫人盧氏挽歌

偕老言何謬，香魂事永違。潘魚從此隔，陳鳳宛然飛。
埋鏡泉中暗，藏鐙地下微。猶憑少君術，彷彿覩容輝。

章懷太子靖妃挽詞

彤史佳聲載，青宮懿範留。彤將鸞鏡隱，魂伴鳳笙遊。
送馬嘶殘日，新螢落晚秋。不知蒿里曙，空見隴雲愁。

和洛州司士康庭芝望月有懷

天使下西樓，光含萬里秋。臺前疑掛鏡，簷外似懸鉤。

亦有此作

張尹將眉學班姬取扇儔佳期應借問為報在刀頭

和崔正諫秋日早朝

鷄鳴朝謁滿露白禁門秋爽氣臨旌戟朝光映冕旒
河宗來獻寶天子命焚裘獨負池陽議言從建禮遊

則天開赦改年

聖人宥天下幽鑰動園狴六甲迎黃氣三光降紫泥
籠僮上西鼓振迅廣陽雞歌舞將金帛汪洋被遠黎

覽鏡

霏霏日搖蕙騷騷風灑蓮時芳固相奪物態豈恒堅

恍忽夜川裏蹉跎朝鏡前紅顏與壯志太息此流年

雜詩四首

鐵馬三軍去金閨二月還邊愁離上國春夢失陽關
池水瑠璃淨園花玳瑁斑歲華空自擲愁怨不勝顏

其二

落葉驚秋婦高砧促暝機知蛛尋月度螢火傍人飛
清鏡紅埃入孤燈綠焰微怨啼能至曉獨自嬾縫衣

其三

妾家臨渭北春夢著遼西何苦朝鮮郡年年事鼓鼙

燕來紅壁語鶯向綠窓啼為許長相憶闌干玉筍齊
其四

聞道黃龍戍頻年不解兵可憐閨裡月長在漢家營
少婦今春意良人昨夜情誰能將旗鼓一為取龍城

咸陽覽古

咸陽秦帝居千載坐盈虛版築林光盡壇塲雷聽疎
野橋凝望日山火類焚書唯有驪峰在空聞厚葬餘
和中書侍郎楊再思春夜宿直

西禁青春滿南端皓月微直廬宵駕合五夜曉鐘稀

星斗橫綸閣天河度墮闌煙花章奏裡紛向夕郎飛

少遊荆襄因有是題

峴北焚蛟浦巴東射雉田歲時宜楚俗蒼舊在襄川
憶昨經過處離今二十年因君訪生死相識幾人全

送陸侍御餘慶赴使

古人貴將命之子出輜軒受委當不辱隨時敢贈言
朔途際遼海春思繞轅轅安得回白日留歡盡綠樽
洛川蕭司兵謁兄還赴洛成禮

棠棣日光輝高襟應序歸來成鴻鴈聚去作鳳凰飛

細草乘輕傳。驚花慘別衣。灑亭春有酒。岐路惜芬菲。

餞高唐州

弱冠相知早。中年不見多。生涯在王事。容鬢各蹉跎。
良守初分岳。嘉聲即潤河。還從漢闕下。傾耳聽中和。

餞唐即中洛陽令

一臺推往妙。三史佇來脩。應宰鳧還集。辭郎雉少留。
郊筵乘落景。亭傳理殘秋。願以絃歌暇。芝蘭想舊遊。

安樂公主移入新宅

初聞衡漢來。移住斗城隈。錦帳迎風轉。瓊筵拂霧開。

馬香遺舊埒。鳳吹繞新臺。為問沉冥子。仙槎何處回。

李舍人山園送龐邵

符傳有光輝。誼誼出帝畿。東隣借山水。南陌駐駟騑。
握手涼風至。當歌秋日微。高簷去勿緩。人吏待霜威。
同獄者。嘆獄中無燕。

何許乘春燕。多知辨夏臺。三時欲併畫。雙影未嘗來。
食藥嫌叢棘。銜泥怯死灰。不如黃雀語。能雪冶長猜。

驪州南亭夜望

昨夜南亭望。分明夢洛中。室家誰道別。兒女案嘗同。

忽覺猶言是，沉思始悟空。肝腸餘幾寸，拭淚坐春風。

題椰子樹

日南椰子樹，香裏出風塵。叢生調木首，圓實櫛椰身。
玉房九霄露，碧葉四時春。不及塗林果，移根隨漢臣。

喜赦

去歲投荒客，今春肆青歸。律通幽谷暖，益舉太陽輝。
喜氣迎冤氣，青衣報白衣。還將合浦葉，俱向洛城飛。

七言律詩

古意呈補闕喬知之

盧家少婦鬱金香，海燕雙栖玳瑁梁。九月寒砧催木
葉，十年征戍憶遼陽。白狼河北音書斷，丹鳳城南秋
夜長。誰謂含愁獨不見，更教明月照流黃。

龍池篇

龍池躍龍龍已飛，龍德先天天不違。池開天漢分黃
道，龍向天門入紫微。邱第樓臺多氣色，君王鳧鴈有
光輝。為報寰中百川水，來朝此地莫東歸。

興慶池侍宴應制

碧水澄潭映遠空，紫雲香駕御微風。漢家城闕疑天

下秦地山川似鏡中。向浦迴舟萍已綠。分林蔽殿槿
初紅。古來徒羨橫汾賞。今日宸遊聖藻雄。

侍宴安樂公主新宅應制

皇家貴主好神仙。別業初開雲漢邊。山出畫如鳴鳳
嶺。池成不讓飲龍川。粧樓翠幌教春住。舞閣金鋪借
日懸。敬從乘輿來此地。稱觴獻壽樂鈞天。

奉和春初幸太平公主南莊應制

王家山第早春歸。御輦春遊繞翠微。買地鋪金曾作
埽。尋河取石舊支機。雲間樹色千花滿。竹裏泉聲百

道飛。自有神仙鳴鳳曲。併將歌舞報恩輝。

奉和春日幸望春宮應制

芳郊綠野散春晴。複道離宮烟霧生。楊柳千條花欲
綻。蒲萄百丈蔓初縈。林香酒氣元相入。鳥轉歌聲各
自成。定是風光牽宿醉。來晨復得幸昆明。

奉和立春游苑迎春

東郊暫轉迎春仗。上苑初飛行慶杯。風射鮫冰千片
斷。氣衝魚鱗九關開。林中覓草纔生蕙。殿裡爭花併
是梅。歌吹銜恩歸路晚。樓烏半下鳳城來。

從幸香山寺應制

南山奕奕通丹禁，北闕峨峨連翠嶺。上樓臺千地，起城中鐘鼓四天聞。旃檀曉閣金輿度，鸚鵡晴林采
眊分。願以醍醐奉聖酒，還將祇苑當秋汾。

紅樓院應制

紅樓疑見白毫光，寺逼宸居福盛唐。支道夢山清謔切，曇摩泛海路空長。經聲夜息聞天語，爐氣晨飄接御香。誰謂此中難可到，自憐深院得廻翔。

再入道場紀事應制

南方歸去再生天，內殿今年異昔年。見闢乾坤新定位，看題日月更高懸。行隨香輦登仙界，坐近爐烟誦法筵。自喜恩深陪侍從，兩朝長在聖人前。

嵩山石淙侍宴應制

金輿旦下綠雲衢，彩殿晴臨碧澗隅。溪水泠泠逐行漏，山烟片片引香爐。仙人六膳調神鼎，玉女三漿捧帝壺。自惜汾陽紆道駕，無如太室覽真圖。

遙同杜員外審言過嶺

天長地濶嶺頭分，去國離家見白雲。洛浦風光何所

似崇山瘴癘不堪聞。南浮漲海人何處。北望衡陽鴈
幾群。兩地江山萬餘里。何時重謁聖明君。

和上巳連寒食有懷京洛

天津御柳碧遙遙。軒騎相從半下朝。行樂光輝寒食
借。太平歌舞晚春饒。紅粧樓下東迴輦。青草洲邊南
渡橋。坐見司空掃西第。看君侍從落花朝。

人日重宴大明宮賜綵縷人勝應制

拂旦鷄鳴仙衛陳。憑高龍首帝城春。千官黼帳杯前
壽。百福香奩勝裡人。山鳥初來猶怯轉。林花未發已

偷新。天文正應韶光轉。設報懸知用此辰。

五言排律

酬蘇味道員外夏晚寓直省中見贈

並命登仙閣。分宵直禮闈。大宮供宿膳。侍史護朝衣。
卷幔天河入。開窓月露微。小池殘暑退。高樹晚涼歸。
冠劍無時釋。軒車待漏飛。明朝題漢柱。三署有光輝。

同書舍人早朝

闔闔連雲起。巖廊拂霧開。玉珂龍影度。珠履鴈行來。
長樂宵鐘盡。明光曉奏催。一經傳舊德。五字擢英材。

儼若神仙去。紛從霄漢回。千春奉休曆。分禁喜趨陪。

白蓮花亭侍宴應制

九日陪天仗。三秋幸禁林。霜威變綠樹。雲氣落青岑。
水殿黃花合。山亭綠葉深。朱旗夾小徑。寶馬駐清潯。
苑吏收寒果。饗人膳野禽。承歡不覺暝。遙響素秋砧。

仙萼池亭侍宴應制

步輦尋丹嶼。行宮在翠微。川長看鳥滅。谷轉聽猿稀。
天磴扶階迥。雲泉透戶飛。閒花開石竹。幽葉吐薔薇。
徑狹難留騎。亭寒欲進衣。白龜來獻壽。仙吹返彤闈。

奉和晦日幸昆明池

法駕乘春轉。神池象漢回。雙星遺舊石。孤月隱殘灰。
戰鷁逢時去。恩魚望幸來。山花緹騎繞。堤柳幔城開。
思溢橫汾唱。歌流宴鎬杯。微臣彫朽質。羞覩豫章材。
奉和聖製幸禮部尚書賓客第宅

北闕垂旒暇。南宮聽禮迴。天臨祥鳳轉。恩向躍龍開。
蘭氣薰仙帳。榴花引御杯。水從金穴吐。雲是玉衣來。
池影搖歌席。林香散舞臺。不知行漏晚。清蹕尚徘徊。
夏日都門送司馬員外逸客孫員外佺共北

征

二庭追虜騎。六月動周師。廟略天人授。軍麾相國持。
復言徵二妙。才命重當時。画省連征橐。橫門共別詞。
雲迎出塞馬。風卷度河旗。計日方夷寇。旋聞杖杜詩。

奉和幸常嗣立山莊侍宴應制

鼎臣休澣隙。方外結遐心。別業青霞境。孤潭碧樹林。
每遷東墅策。遙弄北溪琴。帝幸行時豫。台園賞歲陰。
移鑾明月沼。張樂白雲岑。御席瑤觥落。仙壇竹徑深。
三章懸聖藻。五等冠朝簪。自愧承恩盛。咸言獨在今。

昆明池侍宴應制

武帝伐昆明。穿池習五兵。水同河漢在。館有豫章名。
我后光天德。垂衣文教成。黷兵非帝念。勞物豈皇情。
春仗過鯨沼。雲旗出鳳城。靈魚銜寶躍。仙女廢機迎。
柳拂旌門暗。蘭依帳殿生。還如流水曲。日晚棹歌聲。

登瀛州南樓寄遠

層城起麗譙。憑覽出重霄。茲地多形勝。中天宛寂寥。
四榮摩鸛鶴。百拱厲風飈。北際燕王館。東連秦帝橋。
晴光七郡滿。春色兩河遙。傲睨非吾土。躊躇適遠翬。

離居欲有贈春草寄長謠

塞北二首

虜障天驕起秦城地脉分栢壇飛五將梅吹動三軍
鋒刃奔濤色旌旗焰火文朔風吹汗漫飄礫灑輜輜
海氣如秋雨邊烽似夏雲二庭無歲月百戰有功勳
形影隨魚貫音書在鴈群歸來拜天子凱樂助南薰

其二

胡騎犯邊埃風從丑上來五原烽火急六郡羽書催
冰壯飛狐冷霜濃候鴈哀將軍朝授鉞戰士夜銜枚

紫塞金河裏恣山鐵勒隈蓮花秋劒發桂葉曉旗開
祕畧三軍動妖氛百戰摧何言投筆去終作勒銘回

自考功員外授給事中

南省推丹地東曹拜瑣闥惠移雙管筆恩降五時衣
出入宜真選遭逢每濫飛器慙公理拙才謝子雲微
按牘遺常禮朋僚隔等威上台行揖讓中禁動光輝
旭日千門起初春八舍歸贈蘭聞宿昔談樹隱芳菲
何幸鹽梅處惟憂對問機省躬知任重寧止冒榮非
初冬從幸漢故青門應制

漢王建都邑渭水對青門朝市俱東逝墳陵共北原
荒涼蕭相闕蕪沒邵平園全盛今何在英雄復重論
故基仍岳立遺堞尚雲屯當極土功壯安知人力煩
天遊戒東首懷昔駐龍軒何必金湯固無如道德藩
微臣諒多幸參乘偶殊恩預此陳古事敢奏興亡言

度安海入龍編

我來交趾郡南與貫胸連四氣分寒少三光置日偏
討佗曾馭國翁仲久遊泉邑屋遺氓在魚鹽舊產傳
越人遙捧翟漢將下看鸞北斗崇山掛南風漲海牽

別離頻破月容鬢驟催年昆弟推由命妻孥割仲緣
夢來魂尚擾愁委疾空纏虛道崩城淚明心不應天

從崇山向越常

并序

按九真圖崇山至越裳四十里杉谷起古崇山竹谿
從道明國來於崇山北二十五里合水缺缺藤竹明
昧有三十峯夾水直上千餘仞諸仙窟宅在焉

朝發崇山下暮坐越山陰西從杉谷度北上竹溪深
竹溪道明水杉谷古崇峯差池將不合繚繞復相尋
桂葉藏金嶼藤花閉石林天窗虛的的雲竇下沉沉

造化功偏厚真仙跡每臨豈徒探怪異聊欲緩歸心

哭蘇眉州崔司業二公

并序

同時郎裴懷古者作牧潭府神龍二年秋八月佺期承恩北歸途中覲止訪及故舊知眉州蘇使君味道國子崔司業馱馳旋間相次而逝蘇往任鳳閣侍郎佺期忝通事舍人崔重為鳳閣舍人佺期又遷給事並銜疇昔之眷俱荷提獎之恩前年負譴南荒二公先移官守迨此凶問情理何堪所歎逐竄有期行邁在遠哀不展舊禮不申卑流慟斯文冀通幽路

渙汗中天發伶俜海外旋長沙遇太守問舊幾人全國寶亡雙傑天才喪兩賢大名齊弱歲高德並中年禮樂羊叔子文章王仲宣相看尚玄鬢相次入黃泉流放蠻陬闊鄉關帝里偏親朋雲霧擁生死歲時傳崔昔揮宸翰蘇嘗濟巨川絳衣陪下列黃閣謬差肩及此俱冥昧云誰叙播遷隼輿懷舊轍鱣館想虛筵家愛方休杵皇慈更撤懸銘旌西蜀路騎吹北邙田隴樹應秋矣江帆故杳然罷琴明月夜留劍白雲天涕泗湘潭水淒涼徯嶠煙古來修短分神理竟難詮

哭道士劉無得

聞有玄都客成仙不易祈蓬萊向清淺桃杏欲芳菲
縮地黃泉出昇天白日飛少微星夜落高掌露朝晞
吐甲龍應出銜符鳥自飛國人思負局天子惜披衣
花月留丹洞琴笙下翠微嗟來子桑扈爾獨反於幾

和元舍人萬頃臨池翫月戲為新體

春風搖碧樹秋霧捲丹臺復有相宜夕池清月正開
玉流含吹動金魄度雲來熠燿光如沸翩翾景若摧
半環投積草碎壁聚流杯夜久平無燠天晴皎未隕

鏡將池作匣珠以岸為胎有美司言擬高興獨悠哉
揮翰初難擬飛名豈易陪夜光殊在握了了見沉灰

酬楊給事廉見贈省中

子雲推辨博公禮擅詞雄始自尚書省旋聞給事中
言從温室祕籍向瑣閣通顧我叨郎署慚無草奏工
分曹八舍斷解袂五時空宿昔陪餘論平生愛擊蒙
神仙應東掖雲霧限南宮忽枉瓊瑤贈長歌蘭渚風
扈從出長安應制

漢宅規模壯周都景命隆西賓讓東主法駕幸天中

太史占星應春官奏日同旌門起長樂帳殿出新豐
翁習黃山下紆徐清渭東金麾張畫月珠幟戴松風
是節嚴陰始寒郊散野蓬薄霜沾上路殘雪繞離宮
賜帛矜耆老褰旒問小童復除恩載洽望秩禮新崇
臣忝承明詔多慚獻賦雄

送盧管記先客北伐

羽檄西北飛交城日夜圍廟堂盛徵選戎幕生光輝
鴈行度函谷馬首向金微湛湛山川暮蕭蕭涼氣稀
餞途予憫默赴敵子英威今日揚朱淚無將灑鐵衣

釣竿篇

朝日歛紅烟垂竿向綠川人疑天上坐魚似鏡中懸
避檝時驚透猜釣每誤牽湍危不理轄潭靜欲留船
釣玉君徒尚徵金我未賢為看芳餌下貪得會無筌

和戶部岑尚書來迹樞揆

大君制六合良佐參萬機大業永開泰臣道日光輝
鹽梅和鼎食家聲衆所歸漢章題楚劔鄭武襲緇衣
理識當朝遠文華振古稀風雲神契合舟檝道心微
廟堂喜容與時物邁芳菲御柳垂仙掖公槐覆禮闈

昔陪鶴鷺後，今望鷓鴣飛。徒御清風頌，巴歌聊自揮。

同李舍人冬日集安樂公主山池

常聞天女貴，家即帝宮連。亭插宜春果，山衝太液泉。
橋低烏鵲夜，臺起鳳凰年。故事猶如此，新圖更可憐。
紫巖粧閣透，青嶂妓樓懸。峰奪香爐巧，池偷明鏡圓。
梅花寒待雪，桂葉晚留烟。興盡方投轄，金聲還復傳。

送友人任括州

青春浩無際，白日乃遲遲。胡為賞心客，歎遇此芳時。
甌粵迫茲守，京闕從此辭。茫茫理雲帆，草草念行期。

紛吾結遠佩，悵餞出河湄。太息東流水，盈觴難再持。

夏日梁王席送張岐州

秦雞常下雍，周鳳昔鳴岐。此地推雄撫，惟梁寄在斯。
家傳七豹貴，人擅八龍奇。高傳生光彩，長林歎別離。
天人開祖席，朝采候征麾。翠帟當郊敞，彤幃向野披。
芄芄秋麥盛，冉冉夏條垂。奏計何時入，台階望羽儀。

李員外秦援宅觀妓

盈盈粉署郎，五日宴春光。選客虛前館，徵聲徧後堂。
玉釵翠羽飾，羅袖鬱金香。拂黛隨時廣，挑環出意長。

轉歌遙合態度舞暗成行巧落梅庭裏斜光映曉粧

移禁司刑

疇習參鄉賦中年忝吏途丹唇曾學史白首不成儒
天子開昌籙群生偶大爐散材仍葺夏弱羽遽搏扶
寵邁乘軒鶴榮過食稻鳧何功遊画省何德理黃樞
弔影慙非據傾心事遠圖盜泉寧止渴惡木匪投軀
任直翻多毀安身遂少徒一朝逢紕繆三省竟無虞
白簡初心屈黃紗始望孤患平終不怒持劾每相驅
埋劍誰當辨偷金以自誣誘言雖委答流議亦真符

首夏方憂圉高秋獨向隅嚴城看熠燿圓戶對蜘蛛
累餉唯妻子披寬是友于物情牽倚伏人事限榮枯
門客心誰在鄰交迹儻無撫襟雙涕落危坐日憂趨
聖旨垂明德冤囚豈濫誅會希恩免理終望罪矜愚
司寇宜哀獄台庭幸恤辜漢皇虛詔上容有報恩珠

入鬼門關

昔傳瘴江路今入鬼門關土地無人老流移幾客還
自從別京洛頽髻與衰顏夕宿舍沙裡晨行岡路間
馬危千仞谷舟險萬重灣問我投何地西南盡百蠻

九真山淨居寺謁無礙上人

大士生天竺。分身化日南。人中出煩惱。山下即伽藍。
小澗香為刹。危峰石作龕。候禪青鷓乳。窺講白猿參。
藤愛雲間壁。花憐石下潭。泉行幽供好。林卧浴衣堪。
弟身哀無識。醫王惜未談。機疑聞不二。蒙昧即朝三。
欲究因緣理。聊寬放棄慚。超然虎溪夕。雙樹下虛嵐。
從驩州解移住山間水亭贈蘇使君

遇坎即乘流。西南到火洲。鬼門因苦夜。瘴浦不宜秋。
歲貸胸穿老。朝飛鼻飲頭。死生離骨肉。榮辱間朋遊。

棄置一身在。平生萬事休。鷹鷂遭誤逐。豺虎怯真投。
憶昨京華子。傷今邊地囚。願陪鸚鵡樂。希並鷓鴣留。
日月渝鄉思。烟花換客愁。幸逢蘇伯玉。回借水亭幽。
山栢張青蓋。庭蕉捲綠油。乘閑無火宅。因放有漁舟。
適越心當是。居夷迹可求。古來堯禪舜。何必罪驩兜。
赦到不得歸。題江上石

家住東京裏。身投南海西。風烟萬井隔。朝夕幾行啼。
聖主謳歌洽。賢臣法令齊。忽聞銅柱使。走馬報金雞。
棄市沾皇渥。投荒漏紫泥。魂疲山鶴路。心醉鳶溪

天鑿誅元惡，宸慈恤遠黎。五方思寄刃，萬姓喜燃臍。
自幼輸丹懇，何嘗玷白圭。承言竄遐魅，雪往間深狴。
墳壠無由謁，京華豈重躋。炎方雖謂廣，地盡覺天低。
百卉雜殊怪，昆蟲理賴睽。閉藏元不蟄，搖落反生荑。
瘡瘡因慈苦，窮愁益復迷。火雲蒸毒霧，陽雨濯陰霓。
周乘安交趾，王恭輯畫題。少寬窮涸鮒，猶慙觸藩羝。
配宅鄰州廨，斑苗接野畦。山空歡鬪象，江靜見游犀。
翰墨思諸季，裁縫憶老妻。小兒應離襦，幼女未攀笄。
夢蝶翻無定，著龜詎有倪。誰能竟此曲，曲盡氣酸嘶。

答魑魅代書寄家人

魑魅來相問，君何失帝鄉。龍鍾辭北闕，蹭蹬守南荒。
覽鏡憐雙鬢，沾衣惜萬行。抱愁那去國，將老更垂裳。
影答餘他歲，恩思宦洛陽。三春給事省，五載尚書郎。
黃閣遊鸞署，青纁御史香。扈巡行太液，陪宴坐明光。
渭北昇高苑，河南被襖場。烟花恒獻賦，泉石每稱觴。
暇日從休澣，高車映道傍。迎賓就丞相，選士謁昭王。
侍寵言猶得，承歡謂不忘。一朝貽厚譴，五宅竟同防。
克堅曾驅策，權豪豈易當。歎因侍從接，武在文章

且懼威非瞽寧知心是狼身猶納寢誤情為覆盆傷
可嘆緣成業非關行昧歲喜逢今改旦正朔復歸唐
河讖隨龍馬天書逐鳳凰朝容欣舊則宸化美初綱
告善雕旌建收寬錦旆張宰臣更獻納郡守各明揚
禮樂移三統舟車會八方雲沙降白逐秦隴獻燒當
三赦重天造千推極國詳大招思復趙役俾限惟桑
灑海緣真臘崇山壓古棠雕題飛棟宇儻耳間衣裳
伏枕神餘劣加餐力未強空庭遊翡翠窮巷倚梳柳
緣體分殊昔回眸宛異常吉凶恒委鄭年壽會詢唐

家本傳清白官移重掛牀上京無薄產故里絕窮莊
碧玉先時費蒼頭此自將興言歎家口何處待贏糧
計吏從都出傳聞大小康降除沾二第離拆已三房
劔外懸銷骨荆南預斷腸音塵黃耳問夢想白眉良
復此單棲鶴銜雛願遠翔何堪萬里外雲海已溟茫
戚屬甘胡越聲名任糝糠由來休憤命命也信蒼蒼
獨坐尋周易清晨詠老莊此中因悟道無問入猖狂

送韋商州弼

會府應文昌商山鎮國陽聞君監郡史暫罷尚書郎

王事嗟相失，人情貴不忘。累年同畫省，四海接文場。
點翰芳春色，傳杯明月光。故交從此去，遙憶紫芝香。

五言絕句

寒食

普天皆滅焰，西地盡藏烟。不知何處火，來就客心然。

七言絕句

上巳日祓禊渭濱

寶馬香車清渭濱，紅桃碧柳禊堂春。皇情尚憶垂竿
佐天祚，先呈捧劍人。

奉和幸常觀立山莊應制

東山朝日翠屏開，北闕晴空綵仗來。喜遇天文七曜
動，少微今夜入三台。

邙山

北邙山上列墳塋，萬古千秋對洛城。城中日夕歌鐘
起，山上唯聞松柏聲。

夜宴安樂公主宅

濯龍門外主家親，鳴鳳樓中天上人。自有金杯迎甲
夜，還將綺席代陽春。

錢康郎中洛陽令

洛陽舊出神明宰，輦轂由來天地中。餘邑政成何足貴，因君取則四方同。


獄中聞駕幸長安二首

傳聞聖旨向秦京，誰念羈囚滯洛城。扈從由來是方朔，為申冤氣在長平。

無事今朝來下獄，誰期十月是橫河。君看鷹隼俱堪繫，為報蜘蛛收網羅。

沈佺期集終

壬辰暮春



泮堂林士德甫

